



SLUŽBENE NOVINE GRADA GORAŽDA

Godina XIV

11.06.2021.godine

Broj 7.

Broj 7 - strana 121

11. juni 2021.

115

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Federacije BiH“ br. 49/06 i 51/09), i člana 17. i 88. Statuta Grada Goražda („Službene novine Grada Goražda“ br. 5/18) Gradsko vijeće Grada Goražda na petoj redovnoj sjednici održanoj dana 31.05.2021. godine, d o n o s i:

ODLUKU

o korisnicima, kriterijima i postupku ostvarivanja prava na jednokratnu novčanu pomoć iz Budžeta Grada Goražda

Član 1.

Ovom Odlukom utvrđuju se korisnici prava na jednokratnu novčanu pomoć, kriteriji i uslovi za dodjelu pomoći, iznos sredstava koja se mogu dodijeliti i postupak ostvarivanja prava na jednokratnu novčanu pomoć iz Budžeta Grada Goražda.

Član 2.

Iz Budžeta Grada Goražda mogu se dodijeliti sljedeći oblici jednokratne novčane pomoći:

1. Jednokratna novčana pomoć zbog teške materijalne situacije
2. Jednokratna novčana pomoć za troškove liječenja
3. Jednokratna novčana pomoć za troškove dženaze/sahrane umrlog korisnika stalne/socijalne novčane pomoći

Član 3.

Sredstva za dodjelu novčane pomoći utvrđuju se u Budžetu Grada Goražda za svaku kalendarsku godi-

nu na poziciji Beneficije za socijalnu zaštitu – ekonomski kod 614 -231.

Sredstva iz stava 1. ovog člana isplaćivat će se kontinuirano do visine raspoloživih budžetskih sredstava za te namjene u toku godine.

I Jednokratna novčana pomoć zbog teške materijalne situacije

Član 4.

Korisnici prava na jednokratnu novčanu pomoć zbog teške materijalne situacije su lica i porodice sa prebivalištem na području grada Goražda bez prihoda ili sa minimalnim prihodima a koja se nađu u stanju socijalne potrebe usljed teškoća izazvanih zbog smrti jednog ili više članova porodice, nezaposlenosti, nedostatka osnovnih životnih namirnica, prisilne migracije, elementarne nepogode, otpusta sa izdražavanja kazne zatvora ili izvršavanja odgojne mjere, porodičnog nasilja i drugih okolnosti zbog kojih lica ili porodica nemaju osnovnih sredstava za životne potrebe.

Član 5.

Visina novčane pomoći zbog teške materijalne situacije ne može biti manja od 100,00 KM niti veća od 500,00 KM, a visinu pomoći pojedinačno predlaže Komisija, u zavisnosti od broja članova porodičnog domaćinstva, socijalnih i materijalnih prilika u svakom pojedinačnom slučaju.

Novčana pomoć licima i domaćinstvima može se dodijeliti jednom u toku godine a u izuzetnim slučajevima do tri puta u zavisnosti od raspoloživih novčanih sredstava i mišljenja Komisije.

II Jednokratna novčana pomoć za troškove liječenja

Član 6.

Korisnici prava na jednokratnu novčanu pomoć za liječenje su lica i porodice sa prebivalištem na području grada Goražda koja su obolila i potrebna im je pomoć za liječenje i nabavku lijekova i čiji prihodi ne mogu pokriti troškove liječenja a radi se o teškim oboljenjima kao što su: maligna oboljenja, hirurške intervencije, oboljenje centralnog nervnog sistema, oboljenja srca, oboljenje mišićnog sistema, paraliza, zdravstvene komplikacije izazvane virusom COVID-19, i druga teška oboljenja čije liječenje traje duži period i obavlja se u ili van Bosansko – podrinjskog kantona.

Troškovi liječenja u smislu prethodnog stava smatraju se troškovi nabavke lijekova i drugih medicinskih sredstava, troškovi bolničkog liječenja ukoliko nisu finansirani od strane Zavoda za zdravstveno osiguranje, troškovi za pratioca, troškovi kontrolnih pregleda i odlasci na liječenje van Bosansko podrinjskog kantona.

Član 7.

Visina jednokratne novčane pomoći za liječenje i nabavku lijekova iznosi do 300,00 KM a u izuzetnim slučajevima do 1000,00 KM, a visinu pomoći predlaže Komisija, u zavisnosti od težine oboljenja i potrebnih novčanih sredstava za liječenje u svakom pojedinačnom slučaju.

Novčana pomoć za liječenje i nabavku lijekova može se dodijeliti jednom u toku godine a u izuzetnim slučajevima do tri puta u zavisnosti od raspoloživih novčanih sredstava i mišljenja Komisije.

Član 8.

Izuzetno od odredbi iz člana 4. i 6. ove Odluke jednokratna novčana pomoć zbog teške materijalne situacije i jednokratna novčana pomoć za liječenje se može dodijeliti i licima koja nemaju mjesto prebivalište na području grada Goražda a radi se o povratnicima u okolne općine u sastavu RS.

Postupak

Član 9.

Sredstva se dodjeljuju na osnovu podnesenog zahtjeva od fizičkih lica, udruženja, mjesnih zajednica, Centra za socijalni rad i drugih ustanova socijalne i zdravstvene zaštite ako podnose zahtjev u ime svo-

jih članova.

Uz zahtjev je potrebno dostaviti dokumentaciju na osnovu koje se može vidjeti opravdanost zahtjeva i to:

- CIPS - prijava prebivališta,
- Kućna lista,
- Dokaz o radnopravnom statusu podnosioca zahtjeva i punoljetnih članova porodičnog domaćinstva,
- Medicinska dokumentacija sa propisanom terapijom i računi o troškovima liječenja ukoliko se zahtjev podnosi za liječenje ili nabavku lijekova,
- Preporuke udruženja ili drugih institucija kao i druga dokumentacija na zahtjev Službe ili Komisije kojom se dokazuje ispunjavanje uslova za ostvarivanje prava na jednokratnu novčanu pomoć.

Član 10.

Gradonačelnik odobrava isplatu jednokratne novčane pomoći zbog teške materijalne situacije i jednokratne novčane pomoći za liječenje i nabavku lijekova a na prijedlog Službe za boračko-invalidsku i socijalnu zaštitu ili mišljenja Komisije.

Član 11.

Novčana pomoć ostvarena na osnovu ove Odluke uplatit će se na žiro račun korisnika prava ili izuzetno dodijeliti na blagajni Gradske uprave. Izuzetno od odredbi iz prethodnog stava jednokratna pomoć može se dodijeliti u naturalnom davanju ukoliko postoji bojazan da bi se novčana sredstva nenamjenski utrošila.

III Troškovi dženaze/sahrane umrlog korisnika stalne/socijalne novčane pomoći

Član 12.

Pravo na novčanu pomoć za snošenje troškova dženaze/sahrane umrlog korisnika stalne/socijalne novčane pomoći imaju članovi porodice odnosno lice koje je snosilo troškove dženaze ukoliko je umrlo lice imalo stalno mjesto prebivalište na području grada Goražda i nije imalo članova uže porodice koji su ga po Zakonu bili obavezni izdržavati.

Član 13.

Naknada troškova dženaze/sahrane utvrđivat će se prema priloženim računima a maksimalno do

jedne prosječne plate u Federaciji BiH u prethodnoj godini.

Član 14.

Sredstva se dodjeljuju na osnovu podnesenog zahtjeva Službi za boračko invalidsku i socijalnu zaštitu sa potrebnom dokumentacijom i to:

- CIPS prijava prebivališta za umrlo lice i podnosioca zahtjeva,
- Dokaz o radnopravnom statusu podnosioca zahtjeva,
- Izvod iz matične knjige umrlih,
- Dokaz da je umrli na dan smrti imao status korisnika prava na stalnu novčanu pomoć (potvrda ili rješenje),
- Računi o troškovima dženaze (dokaz da je podnosilac zahtjeva snosio troškove dženaze).

Član 15.

Ukoliko za umrlog korisnika stalne novčane pomoći troškovi ukopa i troškovi dženaze/sahrane nisu uplaćeni iste će uplatiti Grad Goražde u iznosu utvrđenom u članu 13. ove Odluke, a po dostavljenim računima od strane pokopnog društva, vjerske zajednice i komunalnog preduzeća koji su obavili ukop umrlog.

Član 16.

Gradonačelnik donosi rješenje o priznavanju prava na sufinansiranje troškova dženaze/sahrane za umrlog korisnika stalne novčane pomoći nakon provedenog postupka od strane Službe za boračko – invalidsku i socijalnu zaštitu.

Prelazne i završne odredbe

Član 17.

Gradonačelnik formira Komisiju za davanje mišljenja u postupku dodjele novčanih sredstava za jednokratne novčane pomoći zbog teške materijalne situacije i za jednokratne novčane pomoći za liječenje.

Komisija se sastoji od najmanje tri člana i uvidom u priloženu dokumentaciju, utvrđivanjem činjenica na licu mjesta ili na neki drugi način cijeni opravdanost svakog zahtjeva pojedinačno i na osnovu kriterija iz ove Odluke uz primjenu zakonskih propisa koji regulišu socijalnu zaštitu sastavlja zapisnik o bitnim činjenicama i daje svoje mišljenje.

Član 18.

Za provođenje ove Odluke zadužuje se Gradonačelnik Grada Goražda, Služba za boračko-invalidsku i socijalnu zaštitu i Služba za finansije, trezor i privredu svako u okviru svoje nadležnosti.

Član 19.

O utrošku sredstava dodjeljenih po osnovu ove Odluke, Služba za boračko-invalidsku i socijalnu zaštitu podnosi izvještaj Gradonačelniku Grada Goražda i Gradskom vijeću.

Član 20.

Stupanjem na snagu ove Odluke prestaje da važi Odluka o utvrđivanju kriterija za dodjelu novčanih sredstava o kojima odlučuje načelnik Općine (Službene novine BPK - a Goražde broj: 17/04).

Član 21.

Ova Odluka stupa na snagu 8 (osmog) dana od dana objavljivanja u Službenim novinama Grada Goražda.

Broj: 01-02-1-1995

Datum: 31.05.2021. godine

PREDSJEDAVAJUĆI VIJEĆA

Bajro Obuća s.r.

.....
116

Na osnovu člana 6. i 9. Zakona o naknadama za korištenje podataka i vršenje usluga u oblasti zemljišta i katastra nekretnina ("Službeni list SRBiH", br.35/85 i 12/87 i "Službeni list RBiH, br. 4/93, 21/93 i 13/94), koji se u skladu sa članom IX.5.(1) Ustava Federacije Bosne i Hercegovine primjenjuje kao federalni zakon, člana 35. Odluke o izvršavanju budžeta Grada Goražda za 2021.godinu ("Sl. novine Grada Goražda" br. 11/19), člana 17. i 88. Statuta Grada Goražda ("Službene novine Grada Goražde broj: 5/18), Gradsko vijeće Grada Goražda, na petoj redovnoj sjednici održanoj dana 31.05.2021. godine donosi:

O D L U K U

o usvajanju Programa utroška novčanih sredstava posebnih namjena za geodetske poslove koja se u

2021. godini na području Grada Goražda prikupe po osnovu naplate naknada za korištenje podataka i vršenje usluga u oblasti premjera i katastra nekretnina i katastra komunalnih uređaja

Član 1.

Ovom Odlukom utvrđuje se i usvaja Program utroška novčanih sredstava posebnih namjena za geodetske poslove, koja se u 2021. godini na području Grada Goražda putem Službe za geodetske, imovinsko-pravne poslove i katastar nekretnina prikupe po osnovu naplate naknada za korištenje podataka i vršenje usluga u oblasti premjera i katastra nekretnina i katastra komunalnih uređaja ili stave na raspolaganje Gradu Goraždu putem grantova drugih nivoa vlasti ili prenesena sredstva iz drugih izvora sa namjenom za finansiranje katastarskih projekata.

Član 2.

Sredstva prikupljena na području Grada Goražda po osnovu naplate naknada za korištenje podataka i vršenje usluga u oblasti premjera i katastra nekretnina ili namjenski data na raspolaganje Gradu Goraždu putem grantova ili iz drugih nivoa vlasti ili iz drugih izvora za finansiranje katastarskih projekata mogu se u skladu sa Zakonom o naknadama za korištenje podataka i vršenje usluga u oblasti premjera i katastra nekretnina koristiti samo za realizaciju razvojnih geodetskih projekata, za nabavku ili servisiranje geodetske, računarske i druge opreme u Gradskom katastru, za održavanje premjera i katastra nekretnina i katastra komunalnih uređaja, kao i za pokriće troškova usluga Gradskog katastra.

Član 3.

Cilj i svrha programiranog trošenja sredstava posebnih namjena za geodetske poslove je da se na području Grada Goražda stvore pretpostavke za pravilno sprovođenje propisa iz ove oblasti, te da se u Gradskom katastru stvore potrebni preduslovi za ispravno održavanje i funkcionisanje službenih evidencija iz oblasti geodetskih i katastarskih poslova i neophodni uslovi za blagovremeno pružanje geodetskih usluga i izdavanje katastarskih izvadaka.

Član 4.

Planirana sredstva za realizaciju ovog Programa koja se prikupe naplatom katastarskih naknada od korištenja podataka i vršenja usluga iz ove oblasti posredstvom Službe za geodetske, imovinsko-pravne poslove i katstar nekretnina raspoređuju

se za finansiranje katastarskih projekata i drugih namjenskih troškova u Gradskom katastru, kako slijedi:

	Naziv projekta/troška	Ukupna vrijednost projekta/troška	Iznos potrebnih sredstava u 2021.god.	Izvori prikupljanja sredstava	Učešće Grada Goražda u 2021.god.	Ekonomski kod za utrošak sredstava
1	Održavanje baze podataka provedenih promjena	14.000,00	14.000,00	Grad Goražde i FGU-Sa	7.000,00	613934
2	Nabavka i servisiranje računara i lokalne mreže	11.000,00	11.000,00	Grad Goražde	11.000,00	821521-2
3	Nabavka novog pribora i druge geodetske opreme (štapovi, prizme, pantljkica)	1.000,00	1.000,00	Grad Goražde	1.000,00	821521-2
4	Servisiranje i kalibracija geodetske opreme	2.000,00	2.000,00	Grad Goražde	1.300,00	613722
5	Servisiranje i održavanje računarske opreme	1.000,00	1.000,00	Grad Goražde	1.200,00	613722
6	Nabavka tonera za printere i kancelarijskog materijala	2.000,00	2.000,00	Grad Goražde	1.500,00	613722
8	Sitan inventar	3.000,00	3.000,00	Grad Goražde	2.000,00	613416
9	Pokriće ostalih troškova rada službe	3.000,00	3.000,00	Grad Goražde	3.000,00	821521-2
UKUPNO:					28.000,00	

Član 5.

Sredstva iz člana 2. ove Odluke, koja se u skladu sa Zakonom o naknadama za korištenje podataka i vršenje usluga u oblasti premjera i katastra nekretnina i ovom Odlukom ne utroše u propisane svrhe u tekućoj kalendarskoj godini, u skladu sa članom 9. Zakona o naknadama za korištenje podataka i vršenje usluga u oblasti premjera i katastra nekretnina prenose se kao sredstva posebnih namjena za geodetske poslove za iste namjene u naredne fiskalne godine i ne mogu se koristiti za pokriće drugih budžetskih rashoda.

Gradonačelnik Grada Goražda može, u skladu sa Odlukom o izvršenju Budžeta Grada Goražde za 2020.godinu, realizaciju namjenskog utroška sredstava iz člana 4. Ove Odluke prilagoditi dinamiци priliva sredstava posebnih namjena za geodetske poslove.

Član 6.

Za realizaciju ove Odluke zadužuje se Gradonačelnik Grada Goražda i gradske službe nadležne za budžet i finansije, te geodetske i katastarske poslove.

Član 7.

Ova Odluka stupa na snagu osmog dana od dana objavljivanja u "Službenim novinama Grada Goražda".

Broj:01-02-1-1997

Goražde,31.05.2021.godine

PREDSJEDAVALA VIJEĆA
Bajro Obuća s.r.

117

Na osnovu člana 88. Statuta Grada Goražda („Službene novine Grada Goražde“ broj : 05/18) i člana 33. Odluke o izvršenju Budžeta Grada Goražda za 2021.godinu („Službene novine Grada Goražda“, broj: 4/21), Gradsko vijeće Grada Goražda, na petoj redovnoj sjednici održanoj dana 31.05.2021. godine, donosi:

ODLUKU

o usvajanju Programa utroška finansijskih sredstava Budžeta Grada Goražda sa ekonomskog koda 613 991 -15 –Izdaci za mjesne zajednice za 2021. godinu, u ukupnom iznosu od 20.000,00 KM

Član 1.

Ovom Odlukom usvaja se Programa utroška finansijskih sredstava Budžeta Grada Goražda sa ekonomskog koda 613 991-15 – Izdaci za mjesne zajednice za 2021. godinu, u ukupnom iznosu od 20.000,00 KM.

Član 2.

Sredstva iz člana 1. ove Odluke isplatit će se na teret Budžeta Grada Goražda, ekonomski kod 613 991-15 – Izdaci za mjesne zajednice u 2021. godini u iznosu od 20.000,00 KM.

Član 3.

Dodjelu novčanih sredstava odobrava Gradonačelnik Goražda na prijedlog Službe za civilnu zaštitu i mjesne zajednice.

Član 4.

Za provedbu ove Odluke zadužuje se Gradonačelnik Goražda i Služba za civilnu zaštitu i mjesne zajednice Grada Goražda i Služba za finansije, trezor i privredu Grada Goražda.

Član 5.

O utrošku finansijskih sredstava iz člana 1. ove Odluke Gradonačelnik Goražda podnosi izvještaj Gradskom vijeću.

Član 6.

Program iz člana 1. ove Odluke je sastavni dio ove Odluke.

Član 7.

Ova Odluka stupa na snagu 8 (osmog) dana od dana objavljivanja u “Službenim novinama Grada Goražda”.

Broj: 01-02-1-1998
Goražde, 31.05.2021. godine

PREDSJEDAVAJUĆI VIJEĆA
Bajro Obuća s.r.



118

PROGRAM						
UTROŠKA FINANSIJSKIH SREDSTAVA BUDŽETA GRADA GORAŽDA SA EKONOMSKOG KODA 613 991-15 IZDACI ZA MJESNE ZAJEDNICE ZA 2021. GODINU, U UKUPNOM IZNOSU OD 20.000,00 KM						
A. PODACI O PROGRAMU						
a) Period realizacije programa: I – XII mjesec						
b) Ukupna vrijednost programa: 20.000,00 KM						
B. IZVOR SREDSTAVA:						
Budžet Grada Goražda za 2021. godinu, Ekonomski kod: 613 991-15-Izdaci za mjesne zajednice						
C. KORISNICI SREDSTAVA:						
Mjesne zajednice sa područja Grada Goražda						
D. OPĆE ODREDBE:						
Ovim Programom utvrđuje se način raspodjele novčanih sredstava, način ostvarivanja novčanih sredstava i nadzor nad utroškom novčanih sredstava.						
E. CILJ PROGRAMA:						
Da se utrošak novčanih sredstava provodi planski i transparentno (sredstva planirana Budžetom Grada Goražda za 2021. godinu za potrebe mjesnih zajednica), a radi ostvarivanja i realizacije planiranih zadataka koji utiču na svakodnevi život i rad građana u mjesnim zajednicama.						
F. AKTIVNOSTI PROGRAMA:						
Aktivnosti koje su obuhvaćene ovim Programom su:						
1. Projekti utvrđeni Godišnjim planovima utroška finansijskih sredstava za 2021. godinu od strane Savjeta mjesnih zajednica:						
- nabavke robe (građevinskog materijala, kancelarijskog namještaja, kancelarijskog i higijenskog materijala),						
- nabavka usluga (izvođenje radova manjeg obima),						
- održavanje spomen obilježja manjeg obima						
- obilježavanje „Dana mjesne zajednice“ (sportske i kulturne manifestacije)						
G. PROGRAM RASPODIJELE SREDSTAVA						
RB	NAZIV PROJEKTA	JEDINIČNA MJERE	JEDINIČNA CIJENA (KM)	KOLIČINA	UKUPNO	VRIJEME REALIZACIJE
G/1 PROJEKTI UTVRĐENI GODIŠNJIIM PLANOVIMA UTROŠKA FINANSIJSKIH SREDSTAVA ZA 2021. GODINU OD STRANE SAVIETA MJESNIH ZAJEDNICA						
1. GORAŽDE I						
1/1	Sufinansiranje uređenja transkog šetališta				1.000,00	
2. GORAŽDE II						
2/1	Troškovi obilježavanja Dana mjesne zajednice				500,00	V-mjesec
2/2	Nabavka sredstava za održavanje kancelarije (sanitarije)				50,00	V-mjesec
2/3	Nabavka tonera za printer				100,00	V-mjesec
2/4	Nabavka stolice -fotelje za kompjuter				100,00	V-mjesec
2/5	Neraspoređena sredstva savjet mjesne zajednice raspoređiti prema ukazanim potrebama				250,00	V, XII-mjesec
3. GORAŽDE III						
3/1	Nabavka sanitarnog i kancelarijskog materijala (toner)				200,00	V-mjesec
3/2	Krećenje kancelarije mjesne zajednice				300,00	VI-mjesec
3/3	Troškovi obilježavanja dana mjesne zajednice „18. Septembar“				200,00	IX-mjesec
3/4	Drugi troškovi po pojedinačnim zahtjevima Savjeta mjesne zajednice				300,00	V-XII-mjesec
4. GORAŽDE IV						
4/1	Nabavka reflektora i postavljanje na objekat mjesne zajednice				300,00	IV-mjesec
4/2	Nabavka cijevi za odvodnju površinskih voda				700,00	VI-mjesec
5. VITKOVIĆ						
5/1	Nabavka buketa cvijetja za obilazak mezara Memuda Bajica Bajić i Murisa Dučića obilazak njihovih porodica				100,00	IX-mjesec
5/2	Nabavka sanitarnog i kancelarijskog materijala				100,00	VI, mjesec
5/3	Pomoć podružnicama prema potrebi				800,00	IV, XII, mjesec
6. ZUPČIĆI						
6/1	Troškovi obilježavanja dana mjesne zajednice „28. Maj „				1.000,00	
6/2	Nabavka prozora na zgradi mjesne zajednice Zupčići				400,00	V-mjesec
6/3	Tekući troškovi za potrebe mjesne zajednice				300,00	VI-mjesec
7. HUBIERI						
7/1	Troškovi obilježavanja dana mjesne zajednice				500,00	V-mjesec
7/2	Postavljanje fasade na čeonu dio objekta mjesne zajednice				500,00	X-mjesec
8. MRAVINIAC						
8/1	Krećenje unutrašnjih prostorija mjesne zajednice				200,00	VI-mjesec
8/2	Nabavka laminata i ugradnja u kancelariju				400,00	VII-mjesec
8/3	Čišćenje i uređenje parka „košenje trave i nabavka goriva i maziva				400,00	V-mjesec
9. BOGUŠIĆ						
9/1	Troškovi obilježavanja Dana mjesne zajednice				500,00	V, mjesec
9/2	Nabavka goriva i maziva za košenje trave na prostoru MZ				300,00	VI-mjesec
9/3	Nabavka kancelarijskog i sanitarnog materijala				100,00	V-mjesec
9/4	Nabavka glave za trimmer za košenje trave	kom	20,00	5	100,00	V-mjesec
10. BERIĆ						
10/1	Unutrašnje uređenje objekta krećenje sale za omladinu , prostorije mjesne zajednice i stubišta				950,00	VII-mjesec
10/2	Nabavka sanitarnog materijala za čišćenje kancelarije MZ				50,00	V-mjesec
11. OSIJEČANI						
11/1	Nabavka slaufa za vodu, Ø 3/4	m	0,85	250	212,50	V-mjesec
11/2	Nabavka armaturne mreže (Ø 5x5)	kom	44,00	2	88,00	VI-mjesec
11/3	Betonske cijevi Ø 400 /1000 L	kom	28,00	8	224,00	VI-mjesec
11/4	Raskrešivanje šibja i rastinja oko putne komunikacije industrijska zona Pobjeda –Podhranjem -Osječani				400,00	IV-mjesec
11/5	Nabavka sanitarnog materijala				75,50	VII-mjesec
12. SADBŃA						
12/1	Troškovi obilježavanja Dana mjesne zajednice				300,00	IX-mjesec
12/2	Sufinansiranje projekta „Svi na Sadbu „ – Fondacija Mozaik				350,00	VII-mjesec
12/3	Nabavka goriva i maziva za trimmer košenje trave na Sadbi				350,00	V-mjesec
13. VRANIĆI						
13/1	Opremanje kancelarije, krećenje i renoviranje				400,00	VII-mjesec
13/2	Pomoć u nabavi materijala socijalno ugroženom (šehidsko dijete) Hodžić Sabahudin				400,00	VI-mjesec
13/3	Čišćenje obale rijeke Drine				200,00	V-mjesec
14. POSESTRA						
14/1	Krećenje i uređenje prostorija mjesne zajednice				400,00	VII-mjesec
14/2	Nabavka PVC Ø 300 /1000 L	m	44,00	6	264,00	V-mjesec
14/3	Troškovi ugradnje PVC Ø 300 (potrebna mašina skip)	h	110,00	2	220,00	V-mjesec
14/3	Nabavka kancelarijskog i sanitarnog materijala				116,00	VI, mjesec
15. OSANICA						
15/1	Pomoć u građevinskom materijalu za sanaciju stepenica od lokalnog puta do objekta MZ i troškovi radne snage				111,00	VIII, mjesec
a)	- Frakcija mljevna	m3	47,00	2	94,00	VII-mjesec
b)	- Cement u vreći 25/1	kom	6,00	12	72,00	VII, mjesec
15/2	Izvođenje keramičkih radova i postavljanje keramičkih pločica oko vanjske česma , troškovi radne snage				100,00	VII-mjesec
a)	-Pločice	m ²	17,50	4	70,00	VII-mjesec
b)	-Ljepilo	kg	22,00	2	44,00	VII, mjesec
c)	-Fasadna mrežica	m2	0,90	10	9,00	VII-mjesec
15/3	Troškovi obilježavanja Dana mjesne zajednice				500,00	V, mjesec
16. REŠETNICA						
16/1	Troškovi obilježavanja Dana mjesne zajednice				500,00	VIII-mjesec
16/2	Sufinansiranje nabavke sijalica za pet podružnica javne rasvjete				500,00	V, IX-mjesec
17. ILOVAČA						
17/1	Nabavka materijala za izgradnju ograde za ogradaivanje spomen-obilježja u naselju Ilovača šehidima i poginulim borcima				1.000,00	VII-mjesec
18. FAOČIĆI						
18/1	Troškovi obilježavanja Dana mjesne zajednice				500,00	V, VI, mjesec
18/2	Organizovanje radnih akcija na uređenju puteva i zelenih površina na području mjesne zajednice				300,00	V, IX-mjesec
18/3	Nabavka goriva i ulja				200,00	V, IX, mjesec
19. KRABORIŠ						
19/1	Troškovi obilježavanja Dana mjesne zajednice				500,00	V-mjesec
19/2	Nabavka dizel goriva za zimsko održavanje puteva nekategorisanih				500,00	XI, mjesec
20. ORAHOVICE						
20/1	Troškovi obilježavanja Dana mjesne zajednice				1.000,00	
20/2	Nabavka materijala za izgradnju ograde oko objekta mjesne zajednice „Čišćenje dimnjaka , krećenje kancelarije mjesne zajednice i ambulante				500,00	VII, mjesec
REKAPITULACIJA						
G/1 PROJEKTI UTVRĐENI GODIŠNJIIM PLANOVIMA UTROŠKA FINANSIJSKIH SREDSTAVAB ZA 2021. GODINU OD STRANE SAVIETA MJESNE ZAJEDNICE						
					20.000,00	I-XII mjeseca
UKUPNO:					20.000,00	

Broj: 01-02-1-1998
Goražde, 31.05.2021. godine

PREDSJEDAVAJUĆI VIJEĆA
Bajro Obuća s.r.



119

Na osnovu člana 78., 79., 80. i 88. Statuta Grada Goražda („Službene novine Grada Goražda“, broj:5/18), Gradsko vijeće grada Goražda na petoj redovnoj sjednici održanoj dana 31.05.2021. godine, d o n o s i

ODLUKU

o oslobađanju plaćanja naknade za korištenje javnih površina – ljetnih bašta, ugostitelja na području grada Goražda za 2021. godinu

Član 1.

Oslobađaju se plaćanja naknade za korištenje javnih površina – ljetnih bašta ugostitelji na području grada Goražda za 2021. godinu.

Predhodni stav ovog člana odnosi se na ugostitelje, korisnike javnih površina – ljetnih bašta koji će izmiriti svoje obaveze po ovom pitanju do momenta podnošenja zahtjeva za oslobađanje.

Član 2.

O provođenju ove Odluke zadužuje se Gradonačelnik Grada Goražda i nadležna služba. Prilikom donošenja rješenja o zauzimanju javne površine za postavljanje ljetne bašte, ugostiteljima će biti utvrđeno pravo na oslobađanje plaćanja naknade na zauzetoj javnoj površini u skladu sa odredbama člana 1. ove Odluke.

Član 3.

Ova Odluka stupa na snagu osmog dana od dana objavljivanja u „Službenim novinama Grada Goražda“.

Broj:01-02-1-1996
Goražde, 31.05.2021. godine

PREDSJEDAVAJUĆI VIJEĆA
Bajro Obuća s.r.

120

U skladu sa članom 115. i članom 119. Poslovnika Gradskog vijeća Grada Goražde («Službene novine Grada Goražde», broj. 2/20 i 3/20), Gradsko vijeće Grada Goražda na petoj redovnoj sjednici održanoj dana 31.05.2021. godine, d o n o s i:

ZAKLJUČAK

1.Usvaja se zapisnik sa prve vanredne sjednice Gradskog vijeća Grada Goražde koja je održana

29.12.2020. godine.

2.Zaključak stupa na snagu danom donošenja, a biće objavljen u „Službenim novinama Grada Goražde.

Broj: 01-02-1-1984
Goražde, 31.05.2021. godine

PREDSJEDAVAJUĆI VIJEĆA
Bajro Obuća s.r.

121

U skladu sa članom 115. i članom 119. Poslovnika Gradskog vijeća Grada Goražde («Službene novine Grada Goražde», broj. 2/20 i 3/20), Gradsko vijeće Grada Goražda na petoj redovnoj sjednici održanoj dana 31.05.2021. godine, d o n o s i:

ZAKLJUČAK

1.Usvaja se zapisnik sa druge vanredne sjednice Gradskog vijeća Grada Goražde koja je održana 20.01.2021. godine.

2.Zaključak stupa na snagu danom donošenja, a biće objavljen u „Službenim novinama Grada Goražde.

Broj: 01-02-1-1985
Goražde, 31.05.2021. godine

PREDSJEDAVAJUĆI VIJEĆA
Bajro Obuća s.r.

122

U skladu sa članom 115. i članom 119. Poslovnika Gradskog vijeća Grada Goražde («Službene novine Grada Goražde», broj. 2/20 i 3/20), Gradsko vijeće Grada Goražda na petoj redovnoj sjednici održanoj dana 31.05.2021. godine, d o n o s i:

ZAKLJUČAK

1.Usvaja se zapisnik sa treće vanredne sjednice Gradskog vijeća Grada Goražde koja je održana 25.03.2021. godine.

2.Zaključak stupa na snagu danom donošenja, a

biće objavljen u „Službenim novinama Grada Goražde.

Broj: 01-02-1-1986
Goražde, 31.05.2021. godine

PREDSJEDAVAJUĆI VIJEĆA
Bajro Obuća s.r.

.....

123

U skladu sa članom 115. i članom 119. Poslovnika Gradskog vijeća Grada Goražde («Službene novine Grada Goražde», broj. 2/20 i 3/20), Gradsko vijeće Grada Goražda na petoj redovnoj sjednici održanoj dana 31.05.2021. godine, d o n o s i:

ZAKLJUČAK

1. Usvaja se zapisnik sa prve tematske sjednice Gradskog vijeća Grada Goražde koja je održana 25.03.2021. godine.
2. Zaključak stupa na snagu danom donošenja, a biće objavljen u „Službenim novinama Grada Goražde.

Broj: 01-02-1-1987
Goražde, 31.05.2021. godine

PREDSJEDAVAJUĆI VIJEĆA
Bajro Obuća s.r.

.....

124

U skladu sa članom 115. i članom 119. Poslovnika Gradskog vijeća Grada Goražde («Službene novine Grada Goražde», broj. 2/20 i 3/20), Gradsko vijeće Grada Goražda na petoj redovnoj sjednici održanoj dana 31.05.2021. godine, d o n o s i:

ZAKLJUČAK

1. Gradsko vijeće Grada Goražda upućuje inicijativu Skupštini Bosansko podrinjskog kantona Goražde da u aktivnostima po pitanju izmjena i dopuna Ustava Bosansko podrinjskog kantona Goražde uključiti i rješavanje pitanja naziva Grad Goražde kao i druga pitanja koja se odnose na Grad Goražde.
2. Zaključak stupa na snagu danom donošenja, a

biće objavljen u „Službenim novinama Grada Goražde.

Broj: 01-02-1-1988
Goražde, 31.05.2021. godine

PREDSJEDAVAJUĆI VIJEĆA
Bajro Obuća s.r.

.....

125

U skladu sa članom 115. i članom 119. Poslovnika Gradskog vijeća Grada Goražde («Službene novine Grada Goražde», broj. 2/20 i 3/20), Gradsko vijeće Grada Goražda na petoj redovnoj sjednici održanoj dana 31.05.2021. godine, d o n o s i:

ZAKLJUČAK

1. Zadužuje se Gradonačelnik Goražda da do naredne sjednice Vijeća Gradskom vijeću Grada Goražda dostavi svu relevantnu dokumentaciju koja se odnosi na nabavku multifunkcionalnog vozila za čišćenje gradskih ulica u posjedu JKP „6.Mart“ a koje je nabavljeno od Grada Goražda i predato na upotrebu JKP „6.Mart“.
2. Zadužuje se nadležna gradska služba da odmah pokrene postupak reklamacije, vraćanja ili zamjenu vozila iz tačke 1.
3. Zaključak stupa na snagu danom donošenja, a biće objavljen u „Službenim novinama Grada Goražde.

Broj: 01-02-1-1989
Goražde, 31.05.2021. godine

PREDSJEDAVAJUĆI VIJEĆA
Bajro Obuća s.r.

.....

126

U skladu sa članom 126. stav 8. i članom 115. Poslovnika Gradskog vijeća Grada Goražde («Službene novine Grada Goražde», broj. 2/20 i 3/20), Gradsko vijeće Grada Goražda na petoj redovnoj sjednici održanoj dana 31.05.2021. godine, d o n o s i:

ZAKLJUČAK

1. Ne usvaja se građanska inicijativa podnesena od Političke organizacije građana „Naša stranka“ koja

se odnosi na ukidanje komunalne naknade na području grada Goražda i stavljanje van snage Odluke o potrebnoj dokumentaciji i načinu ostvarivanja prava na oslobađanje od plaćanja komunalne naknade i određivanju vrijednosti boda komunalne naknade za 2013. godinu, a što za cilj treba imati materijalno rasterećenje građanki i građana Goražda, kao i realnog sektora.

2.Zaključak stupa na snagu danom donošenja, a biće objavljen u „Službenim novinama Grada Goražde.

Broj: 01-02-1-1990

Goražde, 31.05.2021. godine

PREDSJEDAVALJUĆI VIJEĆA

Bajro Obuća s.r.

.....

127

U skladu sa članom 126. stav 8. i članom 115. Poslovnika Gradskog vijeća Grada Goražde («Službene novine Grada Goražde», broj. 2/20 i 3/20), Gradsko vijeće Grada Goražda na petoj redovnoj sjednici održanoj dana 31.05.2021. godine, d o n o s i:

ZAKLJUČAK

1.Usvaja se građanska inicijativa podnesena od Emine Odžaković koja se odnosi na izgradnju dječijeg igrališta u naselju Bare.

2.Inicijativa će se realizovati u skladu sa budžetskim mogućnostima.

3.Za realizaciju ove inicijative zadužuje se Gradonačelnik Goražda i nadležna gradska služba.

4.Zaključak stupa na snagu danom donošenja, a biće objavljen u „Službenim novinama Grada Goražde.

Broj: 01-02-1-1991

Goražde, 31.05.2021. godine

PREDSJEDAVALJUĆI VIJEĆA

Bajro Obuća s.r.

.....

128

U skladu sa članom 126. stav 8. i članom 115. Poslovnika Gradskog vijeća Grada Goražde («Službene novine Grada Goražde», broj. 2/20 i 3/20), Gradsko vijeće Grada Goražda na petoj re-

dovnoj sjednici održanoj dana 31.05.2021. godine, d o n o s i:

ZAKLJUČAK

1.Ne usvaja se građanska inicijativa podnesena od Političke organizacije građana „Naša stranka“koja se odnosi na ukidanje naknade vijećnicima za rad u stalnim i povremenim radnim tijelima Gradskog vijeća Grada Goražde kao i izmjene i dopune Odluke o utvrđivanju visine naknade izabranim vijećnicima za obavljanje vijećničke funkcije (član 5.), a koji će definisati da pravo na naknadu za rad u povremenim i stalnim radnim tijelima imaju samo članovi iz reda građana. Podnosilac inicijative smatra da su vijećnici adekvatno plaćeni za svoj rad a Grad se nalazi u velikim finansijskim iskušenjima te je neophodno napraviti racionalizaciju troškova. Uštedeni novac bi se mogao iskoristiti za ulaganja u izgradnju parka, fontane ili za natkrivanje teniskog igrališta.

2.Zaključak stupa na snagu danom donošenja, a biće objavljen u „Službenim novinama Grada Goražde.

Broj: 01-02-1-1992

Goražde, 31.05.2021. godine

PREDSJEDAVALJUĆI VIJEĆA

Bajro Obuća s.r.

.....

129

U skladu sa članom 126. stav 8. i članom 115. Poslovnika Gradskog vijeća Grada Goražde («Službene novine Grada Goražde», broj. 2/20 i 3/20), Gradsko vijeće Grada Goražda na petoj redovnoj sjednici održanoj dana 31.05.2021. godine, d o n o s i:

ZAKLJUČAK

1.Usvaja se građanska inicijativa podnesena od Hedo Alena koja se odnosi na obavezno označavanje parking mjesta za osobe sa invaliditetom ispred javnih ustanova čiji je osnivač Grad Goražde.

2.Za realizaciju ove inicijative zadužuje se Gradonačelnik Goražda i nadležna gradska služba.

3.Rok za realizaciju ove inicijative je do 60 dana.

4.Zaključak stupa na snagu danom donošenja, a

biće objavljen u „Službenim novinama Grada Goražde.

Broj: 01-02-1-1993

Goražde, 31.05.2021. godine

PREDSJEDAVALA VIJEĆA

Bajro Obuća s.r.

.....

130

U skladu sa članom 126. stav 8. i članom 115. Poslovnika Gradskog vijeća Grada Goražde («Službene novine Grada Goražde», broj. 2/20 i 3/20), Gradsko vijeće Grada Goražda na petoj redovnoj sjednici održanoj dana 31.05.2021. godine, donosi:

ZAKLJUČAK

1. Usvaja se inicijativa podnesena od Fondacije „Istina za Goražde“ Bosansko podrinjskog kantona Goražde koja se odnosi na utvrđivanje tačnog datuma obilježavanja Dana djeteta a koji će se zvati „Dan sjećanja na poginulu i ubijenu djecu grada Goražda u periodu 1992. – 1995. godine.

2. Za realizaciju ove inicijative potrebno je formirati radnu grupu koju će činiti: Gradonačelnik Goražda, predstavnik Službe za društvene djelatnosti, opću upravu i zajedničke poslove, predstavnik Službe za boračko invalidsku i socijalnu zaštitu, predstavnik Fondacije „Istina za Goražde“ Bosansko podrinjskog kantona Goražde i predstavnik Komisije za mlade.

3. Rok za realizaciju ove inicijative je do 30 dana.

4. Zaključak stupa na snagu danom donošenja, a biće objavljen u „Službenim novinama Grada Goražde.

Broj: 01-02-1-1994

Goražde, 31.05.2021. godine

PREDSJEDAVALA VIJEĆA

Bajro Obuća s.r.

.....

131

Na osnovu člana 8. Zakona o ministarskim, vladinim i drugim imenovanjima F BiH (“Sl. novine F BiH”, broj: 12/03, 34/03 i 65/13) člana 2. Odluke o utvrđivanju standarda i kriterija za imenovanje na pozicije reguliranih tijela Općine Goražde („Službene novine Općine Goražde“, br. 1/14) i člana 2. Rješenja o imenovanju Komisije za izbor preds-

jednika i članova reguliranih tijela Grada Goražda (u daljem tekstu: komisija) broj: 01-02-1-221 od 20.1.2021. godine, Komisija, u ime Gradskog vijeća Grada Goražda, raspisuje

JAVNI OGLAS

za izbor i imenovanje predsjednika i članova Upravnog odbora J.U. za predškolski odgoj i obrazovanje Goražde

Raspisuje se Javni oglas za izbor i imenovanje predsjednika i članova Upravnog odbora u Javnoj ustanovi za predškolski odgoj i obrazovanje Goražde, čiji je osnivač Grad Goražde kako slijedi-:

1. Upravni odbor J.U. za predškolski odgoj i obrazovanje Goražde
 - predsjednik Upravnog odbora /iz reda osnivača..... 1
 - članovi iz reda roditelja.....2
 - članovi iz reda stručnih zaposlenika javne ustanove 2

2. Opis pozicije

Nadležnost Upravnog odbora: donosi pravila ustanove; imenuje i razrješava direktora odnosno v.d. direktora ustanove; donosi planove rada i razvoja ustanove; donosi godišnji program rada; donosi finansijski plan i usvaja godišnji obračun; donosi opšti akt o unutrašnjoj organizaciji i sistematizaciji poslova i druge opšte akte, u skladu sa zakonom i pravilima ustanove; odlučuje o svim pitanjima obavljanja djelatnosti radi kojih je ustanova osnovana, ako zakonom nije određeno da o određenim pitanjima odlučuje drugi organ; usmjerava, kontroliše i ocjenjuje rad direktora; rješava sva pitanja odnosa s osnivačem; odlučuje o korišćenju sredstava preko iznosa utvrđenog pravilima ustanove; odgovara osnivaču za rezultate rada ustanove; donosi odluku o raspisivanju konkursa za izbor zaposlenika ustanove, odlučuje o žalbama na konkursu, odlučuje o prigovoru zaposlenika na rješenje o pravu, obavezi i odgovornosti zaposlenika iz radnog odnosa; podnosi osnivaču najmanje jedanput godišnje izvještaj o poslovanju ustanove; razmatra plan upisa djece, razmatra rezultate predškolskog odgoja i obrazovanja, Odlučuje o prigovoru roditelja na rad i odnos zaposlenika prema djeci, obavlja i druge poslove

u skladu sa zakonom i pravilima predškolske ustanove.

Kandidati za imenovanje na pozicije u Upravnom odboru, moraju ispunjavati slijedeće uslove:

OPĆI USLOVI

1. Da su državljani Bosne i Hercegovine,
 2. Da su stariji od 18 godina,
 3. Da nisu otpušteni iz državne službe kao rezultat disciplinske mjere na bilo kom nivou vlasti u Bosni i Hercegovini u periodu od tri godine prije dana objavljivanja upražnjene pozicije,
 4. Da nisu pod optužnicom Međunarodnog suda za bivšu Jugoslaviju (član IX 1. Ustava Bosne i Hercegovine),
 5. Da nisu osuđivani za krivično djelo koje predstavlja smetnju za imenovanje na upražnjenu poziciju u roku od pet godina od dana izdržavane, izvršene, zastarjele ili oproštene kazne,
 6. Da im odlukom suda nije zabranjeno obavljanje aktivnosti na poziciji za koju se kandiduju,
 7. Da nisu izabrani dužnosnici, nosioci izvršnih funkcija ili savjetnici u smislu Zakona o sukobu interesa u institucijama vlasti BiH i Zakona o sukobu interesa u institucijama vlasti FBiH, odnosno da nisu u sukobu interesa u smislu Uredbe sa zakonskom snagom o ustanovama ili po bilo kojem drugom osnovu,
- Da
- nemaju privatni finansijski interes u reguliranom tijelu za koji se kandiduju,
8. Da nisu stariji od 65 godina na dan imenovanja.

POSEBNI USLOVI

1. Da imaju visoku ili višu stručnu spremu;
2. Da imaju najmanje 3 godine radnog iskustva u struci nakon sticanja visoke ili više stručne spreme;
3. Da nisu predsjednici ili članovi u nekom od reguliranih tijela na području Grada Goražda ;
4. Da imaju komunikacijske i organizacijske sposobnosti.

POTREBNI DOKUMENTI

- Potpisana prijava na Javni oglas sa kraćom biografijom, adresom i kontakt telefonom,
- Izvod iz matične knjige državljana, ne stariji od 6 mjeseci ili ovjerena kopija CIPS-ove lične karte,
- Izjava ovjerena od nadležnog organa gradske uprave ili notara da nisu otpušteni iz državne službe kao rezultat disciplinske mjere (bilo na nivou države

ili entiteta) u periodu od tri godine prije dana objavljivanja upražnjene pozicije,

-Izjava ovjerena od nadležnog organa gradske uprave ili notara, da se na njih ne odnosi član IX.1. Ustava Bosne i Hercegovine, (da nisu pod optužnicom Međunarodnog suda za ratne zločine u bivšoj Jugoslaviji),

-Uvjerenje nadležnog Kantonalnog/ Općinskog suda da nisu osuđivani za krivično djelo koje predstavlja smetnju za imenovanje na upražnjenu poziciju u roku od 5 godina od dana izdržavane, izvršne, zastarjele ili oproštene kazne; (ne starije od 3 mjeseca),

-Uvjerenje nadležnog Kantonalnog/ Općinskog suda da im odlukom suda nije zabranjeno obavljanje aktivnosti na poziciju za koju se kandiduju, (ne starije od 3 mjeseca),

-Izjava ovjerena od nadležnog organa gradske uprave ili notara da nisu izabrani zvaničnici, nosioci izvršnih funkcija ili savjetnici u smislu Zakona o sukobu interesa u insitucijama vlasti BiH i Zakona o sukobu interesa u insitucijama vlasti FBiH, da nisu u sukobu interesa u smislu Uredbe sa zakonskom snagom o ustanovama ili po bilo kojem drugom osnovu,

-Izjava ovjerena od nadležnog organa gradske uprave ili notara, da nemaju privatni finansijski interes u reguliranom tijelu za koji se kandiduju, (ne starija od 3 mjeseca)

-Ovjerena kopija diplome,

-Uvjerenje o radnom iskustvu u struci nakon sticanja visoke ili više stručne spreme;

-Izjava ovjerena kod nadležnog organa uprave ili notara da nisu predsjednici ili članovi u nekom od reguliranih tijela na području BPK Goražde; (ne starija od 3 mjeseca)

Kandidati koji se prijavljuju na javni oglas dužni su u prijavi navesti za koju poziciju se prijavljuju (iz reda osnivača, reda roditelja ili stručnih zaposlenika Javne ustanove)

Državni službenici iz reda osnivača koji budu ispunjavali opšte i posebne uslove javnog oglasa, dužni su prije konačnog imenovanja dostaviti komisiji

pismenu saglasnost Gradonačelnika Grada Goražda, za imenovanje na poziciju predsjednika Upravnog odbora JU za predškolski odgoj i obrazovanje.

Kandidati koji budu ispunjavali opšte i posebne uslove Javnog oglasa, iz reda stručnih zaposlenika JU za predškolski odgoj i obrazovanje i reda roditelja djece koja borave u navedenoj javnoj ustanovi, dužni su prije konačnog imenovanja dostaviti komisiji pismenu saglasnost Vijeća roditelja odnosno Stručnog vijeća zaposlenika, za izbor na mjesto člana UO JU za predškolski odgoj i obrazovanje.

Kandidati koji uđu u uži izbor, biće pozvani na intervju. Na intervjuu kandidatima će se postaviti pitanja u pismenoj formi iz oblasti organizacije javnih ustanova i nadležnosti upravnog odbora.

Kandidati koji uđu u uži izbor dužni su dati podatke o odgovarajućem broju ranijih neposrednih rukovodilaca, od kojih se mogu dobiti preporuke i informacije o kandidatima.

Predsjednika i članove Upravnog odbora javne ustanove imenuje i razrješava Gradsko vijeće Grada Goražda uz saglasnost Gradonačelnika za kandidata iz reda osnivača, odnosno saglasnost Stručnog vijeća javne ustanove za kandidate iz reda stručnih zaposlenika odnosno saglasnost Vijeća roditelja djece koja borave u navedenoj javnoj ustanovi za kandidate iz reda roditelja.

Mandat predsjednika i članova UO Javne ustanove traje četiri (4) godine uz mogućnost ponovnog imenovanja na još jedan uzastopni mandat.

Predsjedniku i članovima upravnog odbora pripada naknada, u iznosu koji odredi osnivač u skladu sa propisima.

Javni oglas ostaje otvoren 15 dana od dana objavljivanja u dnevnom listu "Dnevni avaz".

Prijavu sa traženom dokumentacijom dostaviti u zatvorenoj koverti sa naznakom:

"PRIJAVA NA OGLAS ZA IZBOR I IMENOVANJE ČLANOVA UPRAVNOG ODBORA JAVNE USTANOVE ZA PREDŠKOLSKI ODGOJ I OBRAZOVANJE – NE OTVARATI"

Prijavu dostaviti lično na protokol Grada Goražda ili preporučeno putem pošte na adresu:

Komisija za izbor predsjednika i članova reguliranih tijela Grada Goražda, kanc.broj:22, Ul. Maršala Tita 2 Goražde.

Neblagovremene i nepotpune i neuredne prijave neće se uzimati u razmatranje.

Broj: 01-02-1-221-26
Goražde, 07.06.2021god

**KOMISIJA ZA IZBOR
PREDSJEDNIKA I ČLANOVA
REGULIRANIH TIJELA
GRADA GORAŽDA**

SADRŽAJ

115	ODLUKA o korisnicima, kriterijima i postupku ostvarivanja prava na jednokratnu novčanu pomoć iz Budžeta Grada Goražda	121
116	ODLUKA o usvajanju Programa utroška novčanih sredstava posebnih namjena za geodetske poslove koja se u 2021. godini na području Grada Goražda prikupe po osnovu naplate naknada za korištenje podataka i vršenje usluga u oblasti premjera i katastra nekretnina i katastra komunalnih uređaja	123
117	ODLUKA o usvajanju Programa utroška finansijskih sredstava Budžeta Grada Goražda sa ekonomskog koda 613 991 -15 –Izdaci za mjesne zajednice za 2021. godinu, u ukupnom iznosu od 20.000,00 KM	125
118	PROGRAM.....	125
119	ODLUKU o oslobađanju plaćanja naknade za korištenje javnih površina – ljetnih bašta, ugostitelja na području grada Goražda za 2021. godinu	126
120	ZAKLJUČAK	126
121	ZAKLJUČAK	126
122	ZAKLJUČAK	126
123	ZAKLJUČAK	127
124	ZAKLJUČAK	127
125	ZAKLJUČAK	127
126	ZAKLJUČAK	127
127	ZAKLJUČAK	128
128	ZAKLJUČAK	128
129	ZAKLJUČAK	128
130	ZAKLJUČAK	129
131	JAVNI OGLAS za izbor i imenovanje predsjednika i članova Upravnog odbora J.U. za predškolski odgoj i obrazovanje Goražde.....	129